

quem descriptionem medicamentum præparatum edicit: Rx.
¶ purif. Øl. exicc. Ø torref. ana: mentur. Rx. huius tibi
Ø torrefact. ʒvj. Øl. ad rub. calcin. ʒij. sublimetur secunda
vice. Tertio cum Ø torref. ʒvj. tritum sublimetur. Hinc
sublimatum hoc modo per se ter vel quater rectificatur. Con-
sulta super hoc Facultas nostra a Senatu Academico Tubingen-
si respondit merito, quia hunc non fuisse dulcem, (oblatu
etiam simul specimine,) sed potius quia matum simpliciter,
adeoque venenatum. Tanti est nosse sinceram præparationem!
Nullus scilicet & dulcis hunc titulum meretur, nisi qui ex & ut
cum & viuo ana fuit euectus, intermortuis hoc pacto parculis
acuminatis salinis.

Determinatur & dulcis, his positis conditionibus, ad serm
seri quamcunque, eiusque acrimoniam & ichorescentiam, tum
in hydrope, quo titulo etiam a Paracelsus fuit commendatus,
& feliciter adhibitus non raro; tum in scabie, lue & ea & aliis,
sive saluandi sine perfecto, sive laxandi & dirigendi solum
vnde & in gonorrhœa & vermis abigendis infumitur. Pra-
stat vero eundem minori paulo dosi exhibere, neque enim vel
fortis est adeo, quin segnis & a reliquis extimulandus; vel
soli purgationi debitus, siquidem tunc saluandi potius scopo
prodeste potest, repetita per aliquot dies dosi, gr. v. vi. vii.
cum extract. scorzon. lign. sanct. &c. in pil. redactus. Pra-
stat vero in infantibus tenellis vel abstinere omnino ab eodem,
quod tenerius sit ipsorum serum, vel dosi non excedere, nec te-
mere ipsum propinare.

LIBRI II. SECTIO I. CAPVT VI.

De

Purgantibus usitatoribus & selectis.

Decantatissima est inter Lenientia Aloe, succus herba co-
gaominis, sed non Americana, quæ amara non est, sed
India orientalis, quam & Græcam vocant, cuius succus
& fla-

& flauescens & amaricans etiam in nostris aliquando hortis visitur.

Differentia *χαλκη*, *χυλη* & *δερμη* differentiam etiam præparationis & consequenter eius velut specierum patefacit. Lacryma enim est sponte exsudans & concrescens gummi, resina, vel gummi-resina, *χυλος*, succus, qui incisione exstillans concrecit; *δερμη*, qui exprimitur, participans de purioribus & impuris paulo particulis. Hinc *socoterina* aloë optima est, magis de *χυλῳ* participans, succus depurator, subtilior & quasi flos eiusdem succi, dicta ab insula Indiae orientalis, Socotera, è Geographicis tabulis bene nota, non quasi succocitrina, iuxta *Fushium*, vel succocedria, quod vtrumque *Salomon Albertus* opinatur, *orat. de anat.*; vt a patria quoque dicitur opium Thebaicum, manna Calabrina, myrrha Orontea.

Post hanc altera quoque *hepatica*, a colore & figura, quibus hepar emulatur, dicta in usum vocatur; *Caballina* vero tanquam recrementum ultimum pro caballis merito veterinariis relinquitur, neque in officinis extat.

Cum ergo purgans sit eximium, & fel quasi externum quod fellis defectum optimè resarcit, iuxta has suas qualitates etiam modificatur. Ratione enim partium amaricantium ventriculo est amica, vermis lumbricis & putredini omni inimica, tantoque magis putredini resistit, quo magis una est emplastica & balsamica. Vulpes vero, lupos & canes necare scribitur, forsitan quod, cum sicciora sint haec animalia, vis irritativa magis cum neruis communicetur & archeum exturbet. Experimentum cum vulpecula fecit *Scalig. r. exere. 278. §. 12.* qui vidit illam aloë cum carnibus devorata extinctam.

Ob partes resinosaes emplasticas dictas exterius adstringit siccata, consolidata, in vulnera arteriarum a *Galen*o ipso commendata.

Ob partes acres resolubiles gummeas ita dispositas stimulat, aperit, purgat, detergit adeoque fæces ad exitum disponit, unaque bilem & pituitosas partes educit. Prodest ergo vbiunque sanguinis particulae balsamicæ sunt restauranda, & volati-

les

Iles in motum citandæ, in cruditatibus cum primis acidis & pituitosis a crapula & aliunde ortis, cachexia, chlorosi mensium & hæmorrhoidum suppressione, quarum sunt specificum. Hæmorrhoidibus suppressis laborans duobus curabatur remediis, pulvere cacheotico, & elexirio propriet. Prodest humidioribus tum quoad totum, tum quoad intestina, ficsos vero, nisi teneriori textura villorum & sensu polleant, vix mouet. Prodest in nausea, ipsarum quoque prægnantium, & vomitu.

Nocet vero fiscioribus & senibus, nisi præsentia humorum in primis viis stabulans id vrgeat, ventriculo calido & sicco, hæcticis, tabidis. Nocet, vbi acrimonia sanguinis exitum affectat, in hæmoptysi, mensium & hæmorrhoidum fluxu, & similibus.

Refert *Beza in vita Caluini*, ipsum ex crebro eius vsu in hæmorrhoides ulcerosas & sanguinis exscretionem incidisse. Et ab vsu adulto pilularum Francofurtensium quarta fere pars eorum, quiis vsi sunt, obseruata fuit hæmorrhoidibus correpta. Experiri id quiuis potest, si continuare usum eiusdem per aliquot dies sustineat, tenesimum saltem hæmorrhoidalem excitari. Vnde frustra est *Fuchsius l. 1. par ad. c. 1.* vbi id negat, confundens externum usum cum interno. Facit id (1.) ob acrimoniem cum purgantibus aliis communem; (2.) quia pituitam detergit, adeoque nudat magis vasa; (3.) quia bilēm una promouet, & ad partes inferiores deriuat, quæ ibi subsistens stimulat. Obseruatumque a nobis est alibi, hæmorrhoidum immodicum fluxum a copia bilis obortum, dato quippe purgante ex gialapa, eadem manifesto excreta id ad oculum patuit, ceseante hinc fluxu.

Aloe etiam somnum citat, non solum mediate ex ventriculo educendo quicquid turbare illum crudorum humorum possit; sed etiam alia ratione, quatenus partibus sulphureis resolubilibus gaudet.

In usum vocatur non tam cruda, nec in puluere, quam præparata & in pilulis; ita enim amarities occultatur, quam *Musa l. de herb. beton. in prefat.* auersatur, vnde aloes & absinthii ait, non est tantum sentire auxilium, quam ut amaritudo.

Kk dinem.

dinem sentias. Lotam vero, proprie sumta voce, iam dudum *Galenus* notauit *l. 3. simpl. c. 15.* aut debiliter aut plane non ventrem subducere. Optime vero menstruis aqueis extracta quorum & succus rosarum vel violarum pertinet, vel melius adhuc cum martialibus aliisque fermentata, vnde dotes eius optimo venari & quasi clave quadam licet eruere.

Minus aloeticis fauent *Scaliger* & *Hoffmannus*. Ille Ebnfinam & Mesuen secutus, loco supra citato, plurimos se exemisse scribit a pernicie manifesta, in quam conieeti erant aloes vsu a medicis & empiricis. Hic vero *l. 1. de med. offic. c. 3. p. 8.* negat ante cibum vel cum cibo adsumenda aloetica, & vidisse se addit, in iis, qui de nocte capiebant, obortas cacochymias degenerasse in febres malignas, quarum finis mors. Abusus reuerterat nunquam tollere debet vsuum.

Æmulatur aloë bilem sapore, qualitatibus & effectis: balsamum est bilis corporis, balsamum naturæ aloë, Vnde æmulari recte iubet *Simon Pauli quadrip. p. 246.* chirurgorum solertia, qui cauendum suadent, ne nimis extergantur vulnera, alias cambium quasi tollitur; ita aloeticis non extergamus mucum, intestinorum plus quam par est. Tantum abest vt laxatur hepatis commodo vsu, & lympha non destitutum, vt aloetica cum cibis data noxas dictas excitent; vt potius contrarium toto die experiamur. Facit huc, quod olim maiori dosi eandem dabant, a *3 fl. ad 5 j.* quam dosin & *Jonstonus in syntagm.* retinet vnde facilior laesio, hodie vero obseruatum est, minori quantitate assumtas pilulas, pro resolutionis facilioris modulo, efficacius operari, quam maiori dosi, minus resolubili. Est igitur lenientium apex, indemnus & innoxia, ipsis quoque & imprimis vtilis infantibus, in febribus & alias; vnde hodie pilula Francof. Glassianæ & aliae magni nominis sunt, hypochondriacis ipsis utilissimæ, modo non viscera arescant & caleant salina acrimonia. Vbi bilis abundat, minus prodest, contra vulgatam hypothesin, citra humorem nempe sero sum, vnde hecticis, hemoptycis &c. minus conuenit.

Et fungis medicis nobilissimum est *agaricum*, a patria prima,

ma, vt putant, Agaria Sarmatiæ regione, Asisæ confini, dictum, licet a quibusdam radicis nomine veniat. Dicitur agaricum sine additione alia, præterquam albi epitheto, qui electionis character est, vt ad limitudinem huius lac Lunæ audit agaricum petræum. Fungus vero est laricis, quæ & Terebinthinam Venetam seu resinam lariceam fundit, quando in cariosa arbore sal volatile fatiscit, deuiat ex archei ordinario iugo, & occasione humoris extranei cum particulis terreis efflorescit, ex Alpibus, & vicinis locis aliis adferri consuetum.

Optimum hinc *albus*, quod, communi contradistinctum, hinc electum dicitur, sapore est, λυκιππος a dulcedine subamaricans, (quod utrumq; acrimoniæ salinæ resolubilis signum est,) leue, raro ac friabili corpore; noxium nigrum lignosum.

In substantia quidem non datur, præterquam trochiscatum, partim ob levitatem, ob quam ventriculo minus gratum est; partim ob segnitiem, vnde & nausea retundi & acui debet, tum purgantibus, tum aromaticis. Reuera enim aromaticæ, calore excitato, menstruo ventriculi obedientiora reddunt medicamenta purgantia.

Vi texturæ laudata serum in coagulum abituriens fluxile reddit, & in motum citatum excretioni aptat, morborum catarrhalium remedium; hinc in coryza, defluxionibus catarrhalibus, asthmate, tussi, febribus quotidianis & lenti, a cruditate fotis prodest; item in hydrope, cachexia, fluore albo, mensium suppressione; vt taceamus communem cum purgantibus aliis vim anthelminticam, & attributam vim alexipharmacam, vnde theriacam ingreditur, quam & Galenus ipse confirmat l. 6. de simpl. c. 6.

In vsu habemus præscribere agaricum trochiscatum, vel sibi relictum in nodulis ad 9j. 3j. ij. in decoctis quoque & clysteribus, in quibus in petia, recepto vsu, ligari solet, tum propter levitatem, tum, quæ ratio videtur præcipua, vt exprimi hoc modo possit, & vis purgans tanto magis cum decocto communicari. In extracto quoque datur commode cum purgantibus miscendum, vt in extractis panchymagogis. Electuarium

hieræ cum agar, in clysteribus, pro dicto scopo vſitatis, quoque locum habet.

Mechoacanna, seu sola sine epitheto nominata, *μέχωαννα*, seu ad differentiam gialapæ, quam nigram vocant Mechoacanna *alba*, dicta est a patria, prouincia America, item rhabarbarum album a virtute. Præter scriptores Indos videri de ea potest Oberndorff. contra Ruland. p. 58. vbi radicem hanc anno 1524. primum celebrem factam esse & longo tempore post ad nos allatam ait. Scripsit etiam ante centum fere annos de eadem cum aliis Job. Wurrib. p. 113. vbi refert ex Indicis relationibus inuentionem eiusdem adscribendam medico Indo, qui a grotanti monachorum prœuinciali, ut vocant, propinata hac radice sanitatem restituerit, vnde fama ad alios perlata, Hispanis, Lusitanis, indeque reliquis Europæis innotuit.

Consentient plerique radicem hanc tessellatim sectam, interius & exterius albescentem, insipidam, inodoram, (respective) cortice cinereo, esse conuoluuli seu volubilis speciem, vnde a Baubino refertur ad bryoniam, cuius tamen radix multum differt a radice Mechoacannæ.

Ob benignitatem applausum merita est insignem, diu, ante inuentam gialapam, in solium quasi euecta, attestante vsum experientia, præcipue in delicatis, infantibus ipsis, hinc & in hydrope seorsim, ictero, colica, asthmate & catarrhis: idque tanto magis, quod ad strictionem post se relinquit, vel potius nulla heterogenea inimica qualitate sit sigillata.

Dari potest tum in substantia, minori tamen potius dosi a 3j. ad 9ij. præstat enim acuere aliis; tum etiam frequenter quasi in infusis & decoctis, ad 9ij. 3j. ij. iii, præscribi solita.

Rhabarbarum laudatissimum pluribus seculis fuit in scholis medicis, adhuc parum notum quoad plantam, indicio manifesto dissimilatae patriæ. Utut enim Kircherus in Sina illuſta plantam depingat, quam vulgo & botanici in hortis colunt, rhabarbari veri nomine, non tamen vel qualitates vel vires respondent, vt bonus ille Pater, qui asseuerauit Kirchero genui-
num

num id esse, procul dubio minus in hoc certus fuerit, nisi velimus dicere alio sub sole calentem herbam differentem producere radicem, contra ac alia faciunt, quæ apud nos iam indigenatum accepere.

Norare hinc operæ pretium nomenclaturam. Rha vel Rhei vox Dioscoridi & Galeno nota est, addita hinc, ad differentiam rhabontici, barbari voce.

Communiter creditum fuit, dici rha a fluui cognomine, qui hodie Volga dicitur in Tartaria. Ita *Ammianus Marcellinus*. l. 2. p. 232. Tanai scribit, rha vicinus est amnis, in cuius superficiis quædam vegetabilis eiusdem nominis gignitur radix, proficiens ad usus multiplices medelarum. Hodie vero innotuit, omne rhabarbarum ex sinis ferri, siue maritimo itinere per Belgas, Hispanos aliasue eo nauigantes, siue pedestri itinere per Tartariam & Muscouiam. Adeoque constat rheum Barbaricum dici, non quod in Barbaria crescat, sed quod a Sinenibus in Indiam, inde per Barbaricum sinum aliasque regiones ad nos adferatur, ut ait *Stapel. comment. in Theophr.* l. 9. p. 1018. Videatur idem latius l.c. & *Bellonius* aliquie omnes id confirmant. Alexandrinum vero dicitur, ut & sena Alexandrina, præcipue ab emporio commerciis celebri Alexandria, unde olim afferebatur solum, hodie vero etiam ad differentiam rhabarbari monachorum dicti, quæ radix est lapathi palustris maioris.

Affertur rhabarbari eleeti radix magna & crassa, funis vestigia præferens, ad exiccandum usurpati, cortice exterius nigricante deraso striis levibus flavedini intertexta, odore sui generis, sapore subamaricante, cum leni adstrictione, masticata, ori offerens quasi particulas glutinosas, cum terreis confringibiliibus remixtas, quod etiam *Septalinus* iam notauit l. 9. animadu. 125. ubi confracto eodem solis radiis exposito aliquid gummosum & splendescens se vidisse ait; cæteroquin non lignosa, non vermifera, sed ponderosa tamen & minus compacta.

Ex his, seu textura particularum & effectu, constat, acrimoniam salino-sulphuream condere rhabarbarum sub amaricie terrenâ & viscedine lenta, adeoque ob diuersitatem partium ge-

minum edere effectum, laxantem quidem seu purgantem benignum, ratione partium acrum salinarum, & adstringentem ob commistas partes terreas & austriuskulas, illas modificantes.

Prodest hinc *vt purgans* selectum benignum & catholicum generatim, vbi laxandum fuerit, etiam per te masticatum vel in puluere adsumptum, neque enim correptione eget, nisi aromatica, schœnanthum, spicam & alia ad meliorem actionem iungere placeat. Ipsis etiam infantibus ad expurgandum meconium, puerperis ad promouenda lochia & purgandum veterum imò grauidis innoxium & conuenientissimum.

Speciatim vero est *hepaticum & bilis correctorium* egregium, vnde & anima hepatis audit, q. d. fel externum, quod de aloe diximus; commodissimum, bilis enim est anima hepatis; modo, quod cum aliis commune habet, & seorsum ob ficitatem desiderat, humorem sufficientem offendat, ad resolutionem, nam alias præsertim in substantia minus prodest, vnde sunt qui, eo casu puta, mortem potius hepatis vocent. Prodest in ictero, quod explicata acrimonia sua sensim & suauiter cunctantes bilis particulas proliciat ad intestina, vnaque amaritie sua roborat fel, *vt tartareis liberetur*. In omni enim ictero coenosus sulphureus impurus tartarus in vrina visitur. Laborabat ictero persona quædam illustrissima, quam curauimus breui, singulo mane 3j. rhabarbari solius, vesperi martialia, intermedio tempore Ram aperitiuam propinantes. Idem in aliis quoque feliciter experti sumus. In ficioribus in infuso cum aliis specificis prodest.

In hydrope rhabarbarum proficuum esse Tb. Erast. ep. 9. comprobat, si rhabarbarum, aut, sumere queat, & ab eo strenue exerceri solitus sit, hoc solo sapienter repetito, curabitur. Etenim, addit, non se solum, sed & alios solo rhabarbaro hydropicos percurasse. Contrarium vero defendit Sanctarius comm. int. a. 22. quest. 75. p. 213. Galeni illud secutus, medicamentum chologogum in morbo pituitoso esse tanquam venenum, & Ebensian, rhabarbarum, quod euacuet bilem in hydropico, esse tanquam

quam venenum, quia in hydrope bilis desideretur, & Septem
luis l. 7. c. aut. 54. quod talia non euacuet, quæ euacuari de-
bebant.

Notabile vero est (1.) in genere, non omnem hydropem
fieri à bilis defectu, quin non raro ab eiusdem acrimoniam
vnde vasà lymphatica erodit. In cadauere studiosi hydropici
inuenimus bilem copiosam, rufescens & quasi oleosam,
cum hepate omni sanguine carente, vacuis quasi vasis. (2.) Con-
venire in hydrope rhabarbarum multis nominibus, modo eius
& ægri temperamentum obseruemos. Hinc legi meretur quoad
hoc *Baccius l. 3. c. 3. de thermis*, qui aliquot hydropicos curauit
solo poculo vrinæ puerilis 10. ann. per 30. dies continuos ma-
ne, & rhabarbaro pro purgante adhibito, hinc & per intervalla
fabæ magnitudine commanso, quod pluribus exemplis con-
firmat.

In febribus tertianis utimur non solum anima rhabarbari,
quæ ipsa & in iætero prodest, verum & infusis aliisque. Genuina
enim methodus curandi febres consistit in amurca bilis & ob-
structionibus expediendis, hæc quippe fermentum febrile vnice
vel fabricat vel fouet. Sic & in hypochondriacis, scorbuticis,
impuritatibus sanguinis, scabiosis prodest, vna vrinam colore
croceo tingens ob sulphur resolutum & in serum diffusum; ad-
eoque est simul diureticum & nephriticis salutare.

Deinde & speciatim prodest *robore* intentione, quando
temperatus purgare & postea adstrictionem fœnerari intentio
est, vt in diarrhoeis, dysenteriis, fluxu hepatico. Quin adstrin-
gendi fine hoc tostum rhabarbarum in usu practico est, retusis
sic magis sulphureis & aqueis ablatis, vnde adstrictoria præua-
let, purgans vero aboletur ex parte.

Denique & resoluenda virtute in grumescentia, casu ab alto,
lochiis restrictis, & amaricante *anthelmintica* eximum est.
Vacuat igitur irritando, roborat adstringendo, tonicum lauda-
tissimum, minori dosi vero alterat. Vnde usi sumus eodem
cum successu in vomitu cruento, alio adstricta, item in hemo-
ptysi, ob iudicationes puta conuenientes. Integrum de eo li-
brum

brum scripsit *Tillingus*; alias vero plura legi etiam possunt,
apud *Wittich.* l.c. *Rhodium in analētu*, & alios.

Dosis quidem ordinaria est 3*i.* quæ si ob diffusiorem molem minus arrideat, minor dari potest, & stimulans addi, in primis etiam $\text{\texttt{P}}$ ea, cremor vel crystalli $\text{\texttt{P}}$ ri, & alcalia. Hæc enim sunt genuina clavis ad centra eius referanda, vnaque experimenti loco ad elementa dignoscenda, alcalina enim sunt menstruum sulphureorum & aqueorum genuinum. Imo exinde etiam patet, quare *Crolius Basilic.* *Chim. p.m.* 308. scribat leui elixatione vim purgandi amittere, quod & in *luminari maiori* confirmatur *p. 102. 1. vbi* *Suardus* commentator scribit, rhabararum parum sublinere de decoctione, adeoque in sirupo de citro debe re addi, quando sirupus iam mediocriter fuerit coctus. Decepti fuerunt exinde, quod putauerint, auolasse virtutem catharticam exinde, quod segnius decoctum esset, cum tamen vis purgans non in volatili parte consistat, ceteroqui extractum rhabarb. plane esset iners, quin ne exprompta quidem fuerit menstruo solo aquo.

Quod de lapatho unctuoso dicitur, illam totam bonam esse, illud potiori iure tum de selectis purgantibus omnibus, tum in specie de *Sena* dici potest: *Tota bona est.* Sena recentioribus seculis celebrata est, disquirente in epistolis *Mundella*, an veteribus fuerit agita nec ne.

Dicitur itidem *Alexandrina*, quod Alexandria ad Europæos vehatur, licet illuc ex Persia & aliis locis afferatur, censente, *Staplio comm. in Theophr. p. 1018. 1.* ad differentiam nempe (1.) Italica, quæ minus est efficax; vnde signum pathognomonicum Senæ Alexandrinæ præbent folia acuminata. (2.) ad differentiam quoque coluthæ vesicariaæ, fruticis vel scorpioidis, vel sylvestris, apud nos quoque crescentis. Licet enim succedanea hæc statuantur, & esse possint, vi in defectu Alexandrinæ folia coluthæ vesicaria Danis suis suasit, & felicem successum expertus est *Bartholinus cent. 5. obs. 60. p. 130.* citans etiam *Mizaldum*, qui de Sena scripsit tractatum, senæ tamen non æquipollent.

Dicitur etiam alio epitheto *Senæ electa*, seu *sine stipitibus*,

quæ

ausgelesene Senet-Blätter/ f.f. & folliculis. Hx ipse enim partes magis flatulentæ sunt, & molem augent, non amaricant, minus purgant, adeoque ventriculo negotium præbent. Neque enim alias adeo flatulenta deprehenditur Sena, quod vitium ab omnibus quasi ipsi tribuitur.

Nomen ipsum *Hippocrati, Galeno, Paulo* aliisque ignotum sine dubio Mauritanis debetur, quod *Ruellius l.l. de nat. stirp. c. 70. p. 147.* asserit, colutheam eodem notari asserens, quam in hortensem & sylvestrem dividit, quod & *Mesue* facit loco iam dicendo. Ut utero non vnum idemque esse colutheam omnino & senam statuamus, reuera tamen non letis est, sed intimior conuenientia; (1.) enim purgat vtraque, (2.) folliculos habet vtraque, quis enim nescit folliculos Sena, quos ipsos *Mesue l. 2. c. 15.* foliis efficaciores constituit, forsitan quoad semen, (3.) folio convenienter, solo excepto acumine, ut ita Coluthea sit quasi sena arborescens, sena coluthea folio obtuso, & herba. Neque absconsum est, plantam herbosam efficaciem arborecentem, exemplo sedis minoris, respectu arborecentis, buxi & aliorum.

Amaritie grata & tonica ventriculo amica est, purgat vero vniuersaliter, leniter & tarde quidem, sed efficaciter humores omnigenos, præcipue tamen, iuxta communem hypothesin, idque non inepte, melancholicos, adustos & pituitosos, idque sine vlla excessiva qualitate noxia. De flatulentia cum omnibus purgantibus communi iam diximus. Benignam hanc Senam quibusdam caput offendere scribit *Hochstetter. obs. med. dec. nr. p. 185.* Id quod sine dubio factum fuit per accidens.

Prodest quinque vniuersali vnu in morbis quibusuis, posita indicatione laxandi, interpres est quasi generalis omnium purgantium & omnium morborum, additæ & individuorum, sic cubi purgatio fuerit necessaria. Purgantium quidem, quatenus sepe ipsis fortioribus operatur felicius, quam in rem non tam *Wallei* obseruatio notabilis est, practicum quendam melancholico terue quaterue purganis exhibuisse, nec tamen altum vel minimum mouisse; accessisse vero vertulan & sua simile, ut folia Sena, cum prunis decocta, adsumarentur, idque, quod non addit,

cum successu; quam experientia domestica, in vulgus nota, multo magis vero medicis notanda. Quo magis enim est resolubilis sena, tanto magis purgandi scopo apta. Notandum hoc loco obiter, & sennam dici recte praeunte *Sylvio*, interprete & commentatore Mesues, & *Waleo* & aliis; senam iuxta alios, exigua differentia.

Morborum vero itidem; Quicunque enim purgante indigent, si nullum admittant aliud, vbi puidem id indicatur & licet, senam admittunt, acuti, chronici & medii. Individuum denique omnium, siquidem cunctis est eadem, benigna, scilicet & indemnis, semper iuuans, nunquam nocens, si rite adhibetur.

Speciatim morbis illis prodest, vbi serum acetosius, vel bilis eadem qualitate peregrina sigillata est, vt in incubo, melancholia, mania, lepra, scabie, quartana, aliisque morbis atrae bilis & impurioris sanguinis prosapia oriundis, in ipsis quoque febribus ardentibus, in quibus toto die eandem cum successu usurpauimus, in grauidis & puerperis quoque, in quibus ordinarie aliuis ob prægressum opus per aliquot dies obstructa est.

Eandem quoquis modo usurpatam visum & auditum firmare asserit *Mesue* l. c. p. 102. ex quo etiam *Platerus* oculis appropriatam iudicat. Ast in genere purgantia in membrorum horum affectibus prodest in praxi selectioni innotuit, quoniam serum vitiosum alterant & educunt.

Datur (1.) quod satis commodum est, a 3j. ad 5j. in pulvere, seu per se, seu in intrito cum pane, (2.) in puluere composito, quem diaisenæ vocant, præter alios *Braffuole* quoque adscripto, ex quo usus confirmatur frequentior. Datur (3.) in decoctis & infusis ad 3ij. iij. 38. 3vj. 5j, unde species laxatiæ polychrestæ esse queunt nobis visitatæ ex rad. acetos. scorz. cich. a. 3j. summit. fumar. cent min. ana m. fl. 4. cord. a. p. j. fol. sen. l. l. 38. rhab. el. 3i8. cost. ver. 3j. crem. 7j. 3j. M. pro nodulo; cuius ingredientia variari possunt facile, additis appropriatis, vt in mensibus mouendis aliisque Constituit (4.) egre-

(4.) egregium vinum purgans, si cum musto confermentetur, quod experimento anonymi confirmat *Mesuel.* e. Sociari amat
 (5.) cum prunis, passulis, aliisque emollientibus, quod vti in vul-
 gus innotuit, ita a *Mesue* dudum memoratum fuit. Sunt, *inquit*,
 qui decocto eius cum prunis & spica feliciter purgant. Tacemus
 extractum in pilulas sociandum & sirupum egregium.

Inter reliqua inuenta nova Indica celeberrima sine dubio
 est *Gialapa*, a Gelapo Americæ prouincia dicta, variantibus qui-
 dem in scriptione autoribus, omnibus tamen libere & in eun-
 dem finem procedentibus. Alias *mehoacanna nigra* audit, ad
 differentiam albæ, cui sub huius seculi initium succedit & ita
 quidem ut eius laudes fere obscurauerit, & parem vix inue-
 niat.,

Affertur & in vsu est sola radix, tessellatim, seu in taleolos
 rotundos, seu circulares instar calculi fere aleatorii incisa, vt eo
 longius atatem ferre possit, tum maiores, qui fere albent ma-
 gis, tum minores, qui magis nigrant. *Electionis iuxta ac bo-*
nitatis nota est nigredo & resinofitas. Nigra prescribitur intensiue
 talis, ad differentiam alblicantis, quo maior enim albedo inest,
 eo minor resinofitas & consequenter vis purgans.

Nigrat alias in primis cordex, ipsi tamen resina id quo-
 que tribuitur, laxiori significatione, aliis rufescens, scilicet ex
 nigro, color dicitur. Resinosa vero ob particulas & miculas ro-
 scidas sulphureas, quarum ratione etiam ardet seu flammam
 concipit. Interstincta est resina, & tum circularibus striis, tum,
 si constringatur, splendore micante conspicua; lactescente fine
 dubio radice recenti. Cæteroqui etiam non cariosa esse debet,
 (quod humiditatis est consequens) odore subacidulo leui, sa-
 pore acri praedita, saltim in recessu.

Affertur ex America non minus ac mehoacanna, contra
 ac quibusdam placet, illam ex India orientali, hanc occidenta-
 li afferri, neque, quod *Classeus* apud *Horstium* vult, floris admirabilis
 de Peru radix est, neque enim cum illa viribus vel aliis
 conuenit.

Quoad usum generalem reuera catholicum & pan chyma-

L 1 2

gogum

gogum purgans est gialapa, omnibus iis in morbis, vbi purgatione electiva, vt vocant, seu perfecta opus est, officium faciens, in primis vero, cum calida & siccata sit secundo gradu, magis in subiectis frigidis & serosis, quam calidis & siccis, vel saltim non febribus acutis æque detentis; seu vbi simul in motum citandi sunt humores, aperiendum, incidendum, discutiendum. In siccioribus enim more aliorum purgantium non operatur æque. Specialem etiam conuenire iudicatur in hydrope, ab aliis in colica, iætero a colica oriundo, de quo vid. Rolf. in *dissert. de Pro*, item in cachexia; sed reuera est catholicum, omnibus morbis, nisi quid obstet, satisfaciens, vt hoc obtento remedio diuino non diffusam abhorrente debeamus amplius dosin, non effectus timere sinistros. Catholicum etiam est, quod ipsa sibi sufficiat. Si stimulus resinoſo alio opus fuerit, praefto & scammonium, quam in rem examinanda sunt corpora, prout sunt serosa vel prout bilioſo, acido, viscidio humore scatentia.

Et quoad hæc accessoria, correctione quidem non eget, ob benignam & mitem suam naturam, in omnibus quippe si non mitis, tamen mediocris est; duo tamen circa eius usum sunt attendenda, in unum eundemque iugularis finem collimantia. (1.) vt ne excitet tormenta, quod faciunt digestio alia, & ab ea quoque aliquando obseruatum est factum, tensione illa sua & irritatione, (2.) vt resoluatur & actuetur in corpore.

Hanc in rem consultum est, iustum attendere dosin, eamque ex subiectis metiendam. Non audiendi sunt, qui ad 3ij. 3j, vel 3iv. adscendunt, vnde cum ad scrupulos duos assumisset illam *Fonseca*, inde mirum non est tormenta sensisse colica; & prefectus copiarum apud *Barthol. cent. 5. obs. p. 140.* fere ad mortem purgatus fuit, hausta a Chirurgo ministrante 3j. Non patiuntur iussum purgantia. Ordinarie scilicet in adultis datur a 3j. ad gr. xxv. xxvi. 3l. vel sola, vel cum alio stimulus acuata.

Extraordinarie vero dosin maiorem aliquando efflagitat corpus quadratum, deses, vnde podagricus talismodi nodosa arthritide captiuatus a 3ij. vix mouebatur. Parratio est militum,

tum, nautarum, gregariorum, quibus ad 3*lb.* cum $\frac{1}{2}$ vitæ vel $\frac{1}{2}$ emet g. j. cum successu datur. Minorē autem corpora tēnerioris texturæ & serofiora, quæ s̄epe a 3*lb.* imo leuiori p̄abio hypercatharsin patiuntur. Exemplum vtriusque extraordīnarii huius effectus p̄abent hypochondriaci, unde facilis error est. Quicunque nempe intestina habent sicciora, acido figen-
te fœta, ii maiorem dosin requirunt, vel illa ne mouentur qui-
dem: quicunque vero humidiora, & fluida simul salia, illi facil-
lime mouentur & hypercatarsin patiuntur, quibus vt loqui so-
lemus, papyraceus vna est ventriculus, quod pluribus exemplis
probare possemus, si id opus foret.

In his igitur qui stimulum iamdum habent in corpore, vel quorū fibræ nerveæ facilius irritantur, facilis etiam fit purga-
tio, & contra. Hinc vt reliqua purgantia quādam sola qui-
dem dari possint, vt rhabararum, sena; consultò tamen a vete-
ribus iam constitutum & expertum est, melius operari eadem,
si dentur cum aliis, quæ actiuitatem illam explicant. Adeoque
id ipsum etiam valet & loco exempli generalis quasi de gialapa.
Non sola propinatur, non quod non sit benigna, quod violen-
ta, sed quia resinosa est & ipsa, adeoque indigens apprime ad-
iuuantibus, illam ipsam scilicet resolutionem, & calorem tem-
perantibus pro re nata. Optima hinc ex salinis sunt $\frac{1}{2}$ ea; $\frac{1}{2}$ us
sane eiusque c̄remor & crystalli claves gerit genuinas ad re-
cludenda centra purgantium in corpore, vt cum tartareis data in
genere & certius, & benignius, & minori dosi agant purgantia.
Adiuuat fermentationem, sub caloris & menstrui vetriculi ca-
tholici moderamine, & sic resolutionem, quam & ipsa dissociatione sua perficit. Ut enim puluis gialapæ v.g. quo minor ob ex-
pansas salinas dissociatas terreas particulas, eo efficacior; ita tar-
tarea huic rei velificantur eximie. Hinc solitus sum s̄epe giala-
pam ad 3*j.* ana cum c̄rem, $\frac{1}{2}$ tri propinare cum successu. Faciunt
etiam huc $\frac{1}{2}$ sa, vt $\frac{1}{2}$ tiatum, arcan. dupl. $\frac{1}{2}$ ium diaph. non edul-
catum, $\frac{1}{2}$ $\frac{1}{2}$ l., quæ ipsa absterfiua sua natura blande stimulant,
& resolutionem promouent, ast minori dosi p̄e $\frac{1}{2}$ ro addita, ad
gr. iii. iv. v. Tacemus salia alcalia ipsa, absinthii, cent. min.

fumar. aptissima huic scopo, item gium diaph. ipsum, quod carminatiuum est simul, & temperans humores non minus quam fluxiles reddens, de quo sub Scammonio dicemus plura.

Omnium frequentissime & optime adduntur **Tea**, vt pulvis laxatius vegetabilis dici & propinari optimus possit, toto die a nobis ita dispensatus, qui e 3j. gr. xxv. &c. gialapz, cum 3j. gr. xij. tremoris vel crystallorum **Qui** confit.

Adduntur vero non minus aliquando etiam olea **Omega**, vel **elao** sacchara, anisi, citri, macis, eodem fine. Notum enim est ab oleis resinosâ reddi fluxiliora, seu ad motum aptiora; notum, ipsum quoque calorem inde roborari vnaque displodi torminificos simul fatus, vnde optimo consilio adduntur, ne quid tam nimis, sufficit vna guttula.

Neque enim perpetua & necessaria & que est oleorum additio, sed illud quoque eget cautela & limitatione. Observavimus quippe multos ægros eligere potius inodora ac insipida purgantia; ab oleorum vero additione nauseam concepisse, illaque hinc auersatos. Deinde & hoc notabile est, olea quædam, in primis cinamomi, virtute sua exuperante aromatica & obtundente salinas particulas facile euertere vel imminuere, unde cauendum in his vtrumque est, & ne nauseabunda fiant, nec actio inde impediatur. Exemplum huius mixturæ præbent insigne spec. diagialapz **Myns**. ex gialapa, cr. **Qui**, & ol. cinam. constantes.

Hoc modo datum benignissimum est medicamentum gialapa, nec nisi per accidens noxam villam creans. Per accidens, inquam, ob stimulum vrgentiorem in corpore, ob externa accidentia; siquidem a gialapa in primis, nisi corpus teneatur calidum & transpiratio sit vna expedita, tormina oboriri possunt. In mentem venit h. l. obseruatio a **Renesio** notata **Chimatrie** seu orat. de **Chimia** p. 42. puerperæ aliquando propinatam a medico ratonali & lege artis mannam lethalem hypercathartin induisse.

In infantibus & aliis miscuimus quoque commode gialapam cum cinnabari nativa, quod fundendi humores vi gaudet,

deat, vnaque inuertendi & corrigendi acidum bili adiunctum irritatiuum, vt lapidem lazuli iam adductum non memoremus denuo.

Habet vero gialapa hoc peculiare in infantibus, (1.) quod respectiue dosin maiorem optime ferant. Propinauimus h. in. infantibus trium dierum gr. ij. iij. optimo cum successu, quæ dosis comparata ad adultum per regulam proportionalem est omnino maior; (2.) quod ab illo assumento, etiam prius, quam ullum effectum purgantem ediderit, indorinant ut plurimum suauissime, non aliter ac si assumissent anodynum. Illud fit ob copiosum humidum diluens; hoc ob ipsum blande resolvens. Quin in adultis quoque tum ab hoc, tum ab aliis purgantibus somnolentia seu ad somnum capessendum inclinatio accidit, quod ipsum phænomenon ad sulphur expansum & resolutam referendum est, quatenus spiritus in primis occupati quoad inferiorem corporis illam regionem, afero, vehiculo suo, sulphur illud in se recipiente, blande irretiuntur & oboluuntur; unde facilis fit somnus.

Sed cum hac occasione ad se nos vocet resina, alia quædam præter dicta non minus memoratu digna occurruunt, in primis i. axiomâ illud nobilissimum, resinas non agere nisi solutas. Valet id ipsum generaliter quasi de quoquis medicamento, exceptis forsan, quæ irradiatione luminari agere debent, valet de salibus, quo *Tachenius* hinc inculcat; in primis vero de resinis seu purgantibus, seu ut exemplum alterum demus, opiatis. Cum enim serum sit menstruum vniuersale, unde ipsam saluam hinc natura ori indidit, quicquid ab eodem non soluitur, accedente calore & huius quoque (seri) producto fermento ventriculi, illud didi & virtutem exerere suam non potest. Hinc nec opiate maiori dosi eo casu somnum cident, neque enim soluuntur, sed irresistibilia manent, nullum vel alium effectum sortita, nec purgantia resinoſa. Hinc gialapa in bolos, pilulas morſulos &c. formari potest, non vero & que in decoctis & infusis locum inuenit, nisi addatur clavis, neque enim obsecundat menstruis aqueis, cœreis ac vino, nisi segniter, insufficienter, quem in finem

finem si addere placeat eandem nihilominus iisdem, irroranda prius fuerit. Si per noctem. Hinc quæcunque resinæ solutionem quovis dicto modo adiuuant & promouent, cum gialapa purgandi sine cœū gentina adiuuantia, miscentur. Imo hinc resinæ ipsæ non bene dantur in puluere, solæ scilicet, non dissociatae, alias calore iusculi conglobantur, & ne deglutiri quidem satis bene possunt. Hinc recte Zwelfferus scribit *animadv. in Pharm. Aug. c. 7. m. 138.* Si, intellige non facta solutione, vel integrum drachmam aut plus etiam resinæ, liquide nimirum, seu scammonæ seu gialapæ cuidam propines, nil fere operatur, quod tot experimenta iam testatum fecere. Hinc optimam cautelam addit, ut ad facilitandam resolutionem, seu solida seu liquida forma præscribantur resinæ, eadem prius cum amygd. d. vel semine melonum non nihil contundantur vel subigantur, monendis de eo Pharmacopœis, secus enim parum aut nihil operabuntur.

2. Seorsim vero gialapa purgat vel in substantia, resina dispersa foeta, vel in resina. Resina nouum quasi ens constituit, nouum ex priori purgans, idque concentratum, non minus ac *Scammonii resina*, qua cum exactissime conuenit, in puluere & liquida forma propinanda. Licet enim sint, qui extracta & resinæ non efficaciores sed pigiores esse statuant, id tamen non nisi cum grano salis seu ipsa hac prævia cautela intelligentum est; siquidem fieri potest omnino, ut 3j. gialapæ plus purget, quod particulæ resinosæ sint dispersæ, adeoque magis subjugabiles, quam 3fl. resinæ, non resolutæ.

3. Resinam quidem, qua tales, non purgandi vim sustinere solam, necessario tamen inter elementa seu particulas purgantes recenseri. Seu, purgantium vis omnis, per supra dicta, residet in acrimonia salino - fulphurea. Commodus hic locus est laudare *I. de etiologia facultatis purgatriæ Nob. D. Hanne-manni*, qua ostendit, contra *Willisum*, in resinosis particulis non esse collocandam catharsin. Statuit, ut breuiter delibemus, quæ ad scopum nostrum faciunt; (i.) ex figurarum modificatione catharsin deriuandam esse §. 3, quod in specie ad irregulares figu-

figuras aculeatas refert §. 10. (2.) Non solum purgationis, sed omnium adeo corporum vnicum esse principium, videlicet nitrum, vnde & fermentationis §. 3. & chylificationis, §. 6. quod fermentum stomachi sit nitrosum scilicet phænomena deducenda censet. §. 4. quod itxta diuersarum particularum, particularumque pororum modificatas figuræ omnem medicamentorum efficaciam & energiam exerat; in primis vero (3.) particulas resinofas non sustinere purgandi prouinciam, quod illæ in se spectatae sint particulae viscidae, pingues seu vnguinose, quæ ob viscidiam glutinositatem arctissime sibi inuicem cohærent, & licet inflammabiles sint, reuera tamen ab ipso vero sulphure esse distinctas. Dari vero purgantia, v. g. mineralia, in quibus resinofæ particulae vel nullæ omnino vel admodum paucæ reperiuntur, §. 5. vt alia plura non laudemus. Sufficit vero nobis 1. figurarum modificationem extrinsecam effectum hunc nullo modo præstare posse. 2. Non tam speciem individualē salis, seu Nitrum, quam sal esse principium rerum materiale, alias enim eodem iure vitriolum, vel alum, vel sal commune pro principio vno haberi posset. 3. quicquid ardet, sulphur esse, nec obstat, quin & particulae viscidae vinctuofæ possint esse fermentativo charactere salino fœtæ; neque sulphur commune cum Φe, vni est chimicorum principium, esse confundendum: adeoque ut sic mixtas & dispositas seu a salinis particulis modificatas huic rei aptissimas esse. Quocunque enim posito fit purgatio, & quocunque remoto, non fit eadem, illud sine dubio vel principaliter, vel minus principaliter purgandi vim confert. Illud vero de resina verum est. Tolle resinan de scammonio, gialapa, turpetho, iners & inefficax reliquum erit remedium, non purgans. Par ratio est Φis metallici, vt in glio.

Tandem & ad Scammonium deuoluimur, exosum quibusdam medicamentū, qui scammoniata interdicas & vehementiora promiscue referunt, cum tamen cicuratum sit benignissimum. Est verò succus densatus & resinofus scammoneæ, que ex conuoluulorum est genere, non minus ac de mechoacanna diximus. Dicitur *dacrydium*, vulgo *diagrydium*, q. d. *lacrima*.

Mm

scil.

scil. scammoneæ, & purgans. Lacryma enim est resina sponte exudans. Hodie vero vsu inoluit, ut dacydium dicatur scammonium in pomo cydonio coctum, qui modus a Galeno memoratus optimus omnino est & locum etiamnum habens, si purum fuerit scammonium. Optime de eiusdem præparandi modis, & patria, & viribus agit *Mesue l. 2. de med. simpl. purg. c. 1.* Ad modum opii parandi, & aliarum plantarum lactescientium, vel sponte exudat, vel incisa radice, laetus succus, vel exprimitur. A patria etiam dicitur sape *puluis Syrius*, nascitur enim & sit circa Antiochiam, vnde & Antiochenum seu *Syriacum præstantissimum olim habitum fuit, hinc & in Armenia, Arabia, & aliis Asia locis.*

Nostrum sine dubio per expressionem paratum est, id quod per *autoflax* patet, si resina paretur; quod si nouerimus, vt & dictum præparandi modum, omnino facile est colligere, quare *Dioscorides* signum bonitatis lactescientiam absolute esse neget, nostro tamen seculo lactescens habeatur optimum. Nimirum textus Dioscoridis agit de scammonio optimo, per exsudationem seu *ἐπισκεψίαι*, & extillationem incisione facta collecto. Hinc probat succum hunc pellucidum, taurino glutinifimilem, a coagulato quippe lacte. *Lactescencia vero, ad contactum saliuæ vel aquæ, quæ in optimo illo erat quidem, sed pelluciditati postponenda, in nostro probatur, quod sit signum resinositatis.* Optimum nempe est hodie resinosum, cum splendore quadam subnigricans, præsertim si frangitur, ex albo v. g. gryseum, si pulverisetur, ad saliuæ contactum lactescens, purum & *φλογιστὸν.* Substantia est gummea & resinosa, vnde in menstruis spirituosis & aqueis, in quibus lactescit, soluitur.

Hac quasi clavi patet, quare crudum non æque conueniat, & officinales pilulae aliæque plurimæ minus sint commodæ, neque enim est facta separatio puri ab impuro; quare item lactescat. Solutio vero cum aqueis menstruis v. g. *✓ cichor. fumar.* &c. in lac scammonii dictum, & quibusdam commendatum, non est genuina, neque lactescencia illa aliunde fit, quam ob semi-præcipitationem partium resinofarum dispersarum cum terreis.

Cali-

Calidum & siccum est secundo gradu, licet quidam ad tertium usque adscendant, & in primis *Mesue* igneam caliditatem in eo agnoscat. Odorem habet sui generis cum gialapa multum conuenientem, qui & in resina superest, acidulum. Purgatilem & pituitam satis valide, sed reuera innoxie in febribus intermittentibus, cruditatibus & ubi vno verbo purgante opus est. Non deterius, nec vehementius est gialapa, sed maxime conueniens, si non plane idem. Datur vero magis in robustis & atate consistente, minus in infantibus, pueris, grauidis, febribus ardentibus & aliis calidis morbis, stomachi & intestinorum debilitate haemorrhoidum fluxu vel dolore & erosione vasorum, ut haemoptysif laborantibus. Haec quidem vera sunt, attamen ea omnia quoque cum purgantibus aliis sunt communia.

Tormina excitat dupli ratione speciali, tum ob viscidinem, quando non bene resolutur, sed intestinorum plicis se agglutinat; tum in primis ob impuritates terreas, siliceas, quae ad oculum in extractione & copiose quidem visuntur; quibus duobus oblatis vel correctis benignissimum est medicamentum, heroicum, & plane diuinum.

Solum igitur non exhibendum, ob hanc ipsam rationem, nec in puluere, nisi dicto modo. Datur enim vel ut basis, vel ut adiuuans seu stimulans. Ut stimulans, refracta dosi praepue solet commendari & frequentari, ad gr. iij. & plura cum gialapa & aliis. Neque vero sola stimulandi vi adhibendum, metu maioris acrimonie & fulmine *Mesues*, *Galenii*, *Fernelii* aliorumque, sed laudatissimum quoque est per se, dosi primaria, datum sed bene præparatum. De præparatione cum pomo cotoneo iam diximus, ea vero licet etiamnum hodie retineatur, non est genuina, præterquam stimuli loco, vix a nobis adhibita. Eadem ratio est scammonii sulphurati, quae ratio præparandi per suffumigationem cum $\text{f}\ddot{\text{e}}$ obseruatur vulgo in puluere Comitis de Warwick, seu cerbero tricipite, horrendo nomine, recte vero reiicitur ab *Helmontio*. Quamuis enim accida castrarent purgantium vim, quia acrimoniam salinam infringunt,

gunt & sulphur obtundunt, attamen hoc ipso parum corrigitur vel depuratur, quin, quod *Helmontius* recte ait, tantum virtutis amittunt, quantum aciditatis admittunt. Est igitur præparatio partim superficiaria, partim castrans virtutem, impuritates vero relinquens. Scriptis de dicto puluerē integrum tractatum *Marsilius Cornachinus*, & aliquando Romæ eius dispensatio est prohibita, teste *Welsch. in obs.* imo varia satyrice inueniuntur contra eundem hinc inde reperiuntur legendæ; sed reuera est probatissimus, & instar panaceæ in febribus, modo rite præparetur. Noxæ exinde ortæ omnes non nisi crudiori præparationi scammonii & gali sunt adscribendæ. Deditus olim euudem cum scammonio sulphurato ægris, robustis quidem cum successu, cum vero tormina inde immania quidam ægri experientur, exesse iussimus, & resinam scammonii cum gali & cr. gali adhibemus toto die felicissime, imo gialapæ contra hic puluis suauissime purgat.

Genuina enim præparatio est per vi. parando inde resinam, quam & extractum & magisterium vocant, siquidem vi. est verum omnium resinarum menstruum, qua ipsa *crux pectoris* corrigitur optime, vt adeo & hic non alia correctione, quam vera præparatione sit opus. Memorari & h. l. meretur locus alter *Zweifeli Pharm. Reg. d. 4. p. m. 336.* qui cum elegantissimus sit, dignus est qui legatur & cordi habeatur: iubet nimirum resinam scammonii & que ac alias omnes cum amygd. dulcibus subigere & in puluerem redigere, ita enim disponi optime ad resolutionem, nec tormina vel hypercatharsin ullam ciere, hanc etenim solam tenacitatem resinosam, præcipue si frigida superbibatur, esse causam dictatum & aliarum omnium noxarum, que sane longe fuit verissima.

Præter pulueris hanc formam e scammonio optime parantur 2. pilulae, que nunquam nos destituerunt, etiam desperatis casibus, in ileo v. g. sæpius & alias, idque tum purgandi, tum aluum saltim laxandi fine. Laborabat serenissima Princeps fortissima obstructione alii, non cedente decoctis, non clysteribus, nam hi certas ob causas applicari non poterant. Proposuimus benedictas illas pilulas, vt resina scammonii cum gialapa ana-

ad

ad gr. v. daretur in hanc formam redacta; breui post aperta felicitate alio magnum id famæ addidit incrementum.

3. Etiam in liquida forma resina scammonii & gialapæ datur commode in v.i. R. resin. scamm. q. v. v. g. gr. vii. $\text{3}\frac{1}{2}.$ V. anis. cochl. sambuc. sextuplum & amplius, v. g. $\text{3}\frac{1}{2}.$ vel q. f. ad solutionem, additur iulepus ros. q. f. vel sirup. de cichor. c. rhabarb. ros. solut. de sena &c. $\text{3}\frac{1}{2}.$ vel q. f. remedium inde sit efficacissimum & gratissimum. Pertinet etiam huc cautela ex superioribus fluens, tum pilulas scammoniatas, inprimis solas, tum speciatim resinam in v.i. solutam in corporibus calidioribus & fiscioribus minus prodesse, magis in ferosis frigidioribus.

Ex memoratis hactenus visualibus & selectioribus facile jam est composita varia parare, quorum farraginem per omnia formularum genera *Rofinicus O. & M. comment.* exhibit. Sunt tamen etiam velut classica quædam & recepta ex compositis, ut sp. diagal. *Myns.* nisi quod loco olei cinam. vel alia quoque substitui, vel ea omnino omitti queant. Hoc pacto est instar omnium aliorum puluis laxativus vegetabilis. *Rof.* Olim quidem accessione perlarum aliqua gaulisus est, reuera autem nomen hoc est gialapæ, quæcunque demum addantur; Item pulvis catholicus *Michaels,* ex mechoac. & gialap. p.j. scamm. *Prat.* p. $\text{3}.$ addito ol. cinamom. & caryoph. Puluis Comitis de Warwick jam laudatus est, rite præparatus. Reliqui vero, ut & spec. diaturb. cholag. phlegmag. melanag. *Quercet.* & similia plura minus sunt recepta. Imo ex his quoque patet, sufficienter cognito selectu ad leges prescribendi formulas composita fieri posse infinita; tum quoque cognita hac materia medica, quæcunque venditentur arcana huius vel illius, posse dijudicari, vel saltem a medico exprimi. Exemplo sint pilulae Francofurtenses, toti Germaniae cognitissimæ, quarum descriptio habetur pro arcano, non quod tanti sit, sed quod lucrosa sit vendoribus. Medicus vero naturalis easdem exprimit aloë rosata violata, extracto alloë solutiō cum scammonio aliisque pro renata mixtis. Tacemus alias consimiles. Pro pilulis extracta catholicæ

panchymagoga, holagogia variorum autorum recepta & vulga-
ta sunt. Nos etiam hic a simplicibus ad composita, a notis ad
ignota facilem dedimus viam. Valent ramea & prosunt etiam
composita talia, quatenus intellectum diffusum ad certum reme-
diū dirigunt, quæ vero distinctius commendantur noscuntur
& usurpantur, ea etiam certius hinc iuant.

LIBRI II. SECTIO I. CAPVT VII.

De

Purgantibus aliis.

Quo autem magis pateat hæc ipsa purgantium agendi vis
& electionis doctrina, quæ a quibus purgentur, id regu-
lis paucis complexi sumus.

1. *Resolubilia purgantia magis opacarum seu seriduca;* illo ex-
perimento, quod hoc pacto & seri coagulum magis liquet,
& aqueis ipsis menstruis hæc sulphura magis pandantur, prom-
pte admissa. Par ratio est melanagogorum quorundam, hellebo-
ri ipsius &c. Ponamus igitur corpus esse serosius, commodius
agent hæc ipsa, quia prompte solvantur, solutæ vero optime
agunt resinx.

2. *Magis resinosa magis cholagoga;* itidem per mechani-
cam. Ut enim per vitellum oui v. g. vel alia eiusmodi unctuo-
sa resinam scammonii optime liquabilem reddimus, ut & tere-
binthinam h. m. in colostrum abre diximus; ita bilis in corpo-
re tale vitellinum corpus simulatur, cuius concursu magis cum
sero combinatur resoluta resina, adeoque in actum deducitur.
Serum vero in omni purgatione actuanda, tanquam menstruum
vniuersale, requiritur; Posito ergo corpus esse biliosum, non
deficiente omni sero, hæc ipsa optime bilem educunt.

3. *Quæ resinam habent diffusam, vel partibus gummeis im-
plexam, magis sunt catholica,* in utrumque enim humorem in-
gressum inueniunt,

4. *Lenientia vero nec serum, nec bilem eque educunt, sed aliud
salecum scyphala promouent ad exicum.* Hoc illi notare debent ægri,
quæ